

天真閣集

天眞閣詩卷二十九

詩二十九

昭文 孫原湘 子瀟

旃蒙作噩

雪晴誌喜

凍積一庭玉嫩晴微弄殘向南雖見睨直北更凝寒四野波全
沉千家淚未乾瓊樓最高處猶作夜光看

水仙

莫漫相逢賦洛神翛然風格更天眞空靈肯託凡間土飄渺疑
來世外人捉月前身原近水凌波微步不生塵蓮花尙帶拖泥
相脩到湘妃是此春

桃花夫人曲

桃花嫣然蔡侯妬桃花爛然息侯怒桃花不言楚王悅桃花一

言蔡侯滅桃花不死非浪生枝頭有子春無聲不見鄢夫人假
手宋公終復鄢莒國婦授意齊人遂亡莒吹簫進履能復讐桃
夭重賦奚足羞阿誰忘讐敢萬舞桃花雨泣不受蠱

送人

惻惻東風倦倚闌送人天氣倍春寒憐才也覺鍾情累學道方
知割愛難花賞半開畱後約酒霑微醉忍餘歡連宵燈影纏綿
裏只作尋常聚首看

謁吳桓王廟

漢室傾危際何人翼戴功中原爭角逐討逆最英雄紹古桓文
志承家武烈風氣真吞海內威直震江東涕泣初干術艱難遂
卽戎雲易依哲舅部曲返先公奮擊摧王朗奇兵破窄融鯨波
齊解甲牛渚獨彎弓正禮全師遁揚州列郡空貔貅盈艸野雞

犬竄榛叢詎意將軍肅能教士卒同令無優菜茹號不藉芎藭
時雨從天降歡雷動地中受降如故舊納諫是明聰乘勝趨吳
會連屯靖潰訐春霆擊嚴虎秋籜埽錢銅僭號聞當路馳書責
效忠獬兒寒賊膽龍首屈臣躬夏口黃孥盡荆南表寇窮許田
誠奉駕炎祚復光隆大義披肝膈先聲振噴聾遂寧求帝制鼎
豈問王宮惜縱微行騎潛遭伏弩蟲犀鋒雖冠世鴻業未圖終
廟貌瞻榱桷神靈仰岱嵩冕旒滋闇淡松檜鬱龍葱追憶勲猷
壯宜膺祀典崇風流夸二婿猛銳匹重瞳戎服談經史韶顏習
戰攻事咨櫺枕客拜下葛巾翁妖妄除于吉童牙拔呂蒙載喪
仁釋怨竿影信由衷早射徒林兕難占渭水熊羆基歸俊弟遺
畧授羣工火德衰餘燭丹心勇貫虹紫髯蕃魏日幽憤射琬穹

蠓磯靈澤夫人祠

漫認鴛鴦是兩雄。銀刀如雪洞房中。能馴夫婿蛟龍氣，未脫諸兄獅虎風。趙姊無家恩已絕，湘妃有國寢難通。此心可照江流水，羞並懷羸入晉宮。

書悶

落花冥寂雨聲繁。午枕拋書手倦翻。插架瓊籤三萬卷，何曾載我意中言。

寄燮元

有約來時竟不來。蕭蕭寒雨漏蒼苔。玉梅開煞無心看，卻繞花前日幾回。

春陰

春來不斷雨兼風。總被濃陰蔽太空。青帝但貪雲旖旎，黃金難買日曛曛。夜容星斗三霄現，曉失湖山萬象蒙。可惜好花開嫩。

豔何曾得意逞新紅

花朝馬鞍山下尋舊遊

失喜晴光好行行入翠微
春來腰腳健老去友朋稀
山煥態初潛梅殘香轉肥
出林新峽陡得意向人飛

訪椒畦

八十猶將母人間福大奇
作園如淡畫慶國亦良醫
閣勢水廻抱窗光山合離
梅花與人意別去耐思惟

朱石梅山人砂胎錫壺銘

復初鏤錫龔春搏砂別出新
意妙參兩家範金合土雕
文刻花城郭內外金湯蔽
遮壺嶠方圓瓊漿就賒放
之中冷千金可誇飲至策
勲九錫載加疇其匹之碧
山銀槎

載書訪友圖

鴈枝閒趁白鷗羣伊軋聲柔隔浦聞一片詩情搖蕩煞垂虹明月剡溪雲

吳江楊辛甫茂才

秉桂

遊如皋水繪園有感於辟疆往

事作訪影梅菴圖乞題

圖係王叔暉作

老筆蒼涼繪水痕鷗雲雅樹易黃昏玉笙吹月人何處招煞梅花扇底覓

奩豔消殘鏡粉空青蓮小寢化西風秋棠開徧無人管自滴空階冷雨紅

春泛

蘭橈宛轉蕩中流春色偏濃在兩頭芳艸綠沉千古寢桃花紅帶幾生愁因緣偶聚香邊蜨身意都閒物外鷗曾與故人游歷處消盡豈獨水西樓

傳說

傳說南風上水槎滿河新水長魚鰕境耽寂歷偏聞雨春過清
明莫看花一角紅樓仙世界幾堆青史癡生涯紛紛曉開蜂喧
裏知道閒愁有幾家

送二蔣生北行往謁河帥

雨中送客倍淒清愁絕將行尙未行故里尊鱸非久計長途風
霍有先聲決渠誰主河防策轉漕翻思海道行此去淮流春漲
淺輕帆且落射易城

維摩寺觀未開海棠

好花纔得半含時蓓蕾聰明孕滿枝天女未來香不散春心欲
動道能持物從盼望偏饒味事待圓成轉幸遲就使良緣慳再
見已邀紅豆慰相思

雲水禪居爲淨圓說偈

朝雲暮雲不過瞬息前水後水不過一滴如雲映水水無所得
如水挂雲雲無交涉塞卻水原壩盡雲迹冥坐虛空是大了徹
暮春和僧卿作

苦被流鶯喚出門眼前何處不消覓輕雲過水春無迹小雨拖
晴淚有痕蛺蝶生涯飛亦癡醺醺心事醉難論綠陰染徧天涯
路誰認東風舊日恩

題平叔婆娑洋集

奇氣文章徼外傳直將風雅續圖編雞籠地控諸番險滄背天
包大海圓小范胸藏兵十萬新城手削牘三千龍門一奏鯨波
息何待樓船擊水仙

題曉窗讀易圖

確雞一聲萬物擾
焦螟營巢蛄蜥飽
澄心獨弊一晝初
冥索黃曾洞青杳
陰陽交變張口吞
埽卻落葉尋天根
文康老親不識字
瑠瓠籠眼看乾坤

閩中謠

閩人說二事韻其言以備采風

臺灣米

閩地山多田有幾
閩人仰食臺灣米
臺人有米難變錢
貿易所賴漳與泉
一朝官符若雷迅
臺米驅商北方運
民糴民糧官有禁
尤禁流通入鄰郡
上戶糴封五千石
中戶封千下戶百
傾爾廩倒爾囷
免封一石須免銀
米色要高米價賤
運上天津恐霉變
米乾米潮在吏口
價低價昂在官手
官吏橐滿民廩空
廩底還怕官來封
漳人泉人望泮江
白浪如山無米糴
雪白番銀喫

不得

龍巖蘭

州人產蘭若產女女苦賠錢花更苦州官徵蘭若徵田田有蠲
免花不蠲小戶十封大戶百一封四金有定額東家納花嫌太
瘠西家納花嫌已塆非關瘠塆不中程官不要花但取值但取
值非官墨官自買花上供國正額一盆副十盆餘者還奉大
吏尊一處不到防一暎舟車腳力尤紛紛蘭花累官實累民人
家無田花有稅龍巖十家九家累花香熏得官吏醉香裏飄來
萬民淚願地只產生黃金願天勿生花素心

紀事

狂飈橫捲五犀牛百萬生靈一夕休省費獨持方進議築防曾
斥許楊謀人功只護三秋險天意無分四瀆流民盡爲魚官束

手宣房誰解

聖人憂

預參河議有孫禁只道張戎勝李尋回護防秋師友誼躊躇國
用老臣心羽淵暫免黃熊殛瓠子空教白馬沉卻看嚴家穿井
法一條龍首萬黃金

不信桃花水轉枯輓輸真似上天衢別疏清派謀非易倒引黃
流計本迂飛雪難爲三限法淩風空聽萬人呼相公獨任賢勞
事贏得嚴霜滿鬢顱

元臣一疏抗幾先滄海雲帆轉漕便漫議六渠修鄭國未妨萬
里試張瑄蛟龍那敢仇星使島嶼何愁匿水仙盡散權師歸荷
鍤杞人無事更憂天

乙酉五月寫梅自遣

玉笛吹雲去渺茫
瑤臺前事費思量
春風縱有追魂筆
難起泥中一縷香

絕世丰神下筆難
卻思眠去癡中看
如何癡也都無影
一夜空騎雀背寒

雪海水天不可溫
一樓殘紙駐春痕
曾窺雙笑花前影
只有當年冷月魂

疎花幾點著空濛
曾許調羹在此中
拍徧闌干無哭處
自研殘淚畫春風

子和舊藏宋刻荀子毛氏汲古物也身後歸之黃蘗圃
失去一冊蘗圃以元鑄本補足子和孫伯元丐諸蘗
圃蘗圃乃跋而還之爲之作詩

汲古殘書散如籜
子和珣之若和璞
無端四寫偶佚去
玉枕蘭

亭缺其角薨翁見書重故人裹以縹緗弄珍囊影鈔已費蚓與
蛇元槩何嫌鳬續雀萬物聚散皆雲煙孫求祖澤何拳拳蘭卿
坐索趙氏璧齊人竟反龜陰田黃翁嗜古兼嗜義楚弓楚得非
偶然得書勿令蟬便便捧歸祖硯磨須穿

子和家舊藏清明上河圖長一丈八尺前丈六尺有奇
絹質粗厚後尺四寸絹質筆仗與前迥異無款識末
有慎齋禹之鼎印逢佳印當是失去卷尾慎齋補綴
完之也按圖始於南宋張擇端元明臨撫者數家尤
著者爲仇實父此卷莫可審定就其絹質筆意似在
實父以前消夏無事爲題此詩

開卷似聞汴酒香春風駘蕩春人忙四方雲集百貨湊上河一
道長隄長清明佳節好天氣良嶽吹臺聳晴霽香車寶馬雜香

來想見汴京人物麗趙家八葉誇承平梁園歌舞聞鵲聲乾坤
忽改金世界焦土一炬阿房傾九哥南渡遙承禪國事議和不
議戰西湖風月勝蓬池真箇杭州樂於汴臣端慨然離黍憂手
提淚筆畫汴州士民恬熙物豐阜擡眼那識星旄頭舳艫銜尾
來中流東南遠致花石棚闕從絡繹辟道周據鞍得非黼與攸
妖姬列侍武陵榭貴客醉眠豔樂樓歌臺伎館襍花柳白日恐
有潛龍遊畫成閣筆一長歎荆棘銅駝目空斷故土難期河北
還新圖只作南朝玩卽今粉本煙縠幾家好事爭臨摹收藏
尤重十洲筆謂與原作無差殊此卷飄零無款識認得宣和舊
時事幾回雙眼重摩挲莫把昇平看容易

蔣伯生還自戊所畱京都年餘仍被

旨放歸相見

以入關圖屬題

馬前一笑萬花開滿背霜華絕域來

天子亦知亭伯枉夜郎爭看謫仙回
癡中尙擬邀邊月事過眞如躲劫雷
贏得篋中奇句滿弓衣親繡有易臺

短衣歸拜二巫祠猶喜邊霜不染髭
得失儘憑流俗笑踈狂早荷

聖人知官階七品生原定治譜千秋事
未遲補罷塞垣詩一卷平生只欠故鄉詩

去年伯生書來屬題東山唱和圖既成八詩今伯生攜圖見示復補兩章

絳雲簾幙控珊瑚調黛風情翠滿樓
不是維摩才似海如何天女肯低頭

畫舫迎仙出五湖催妝百韻蜀箋鋪
定情合子分明在不費珍

珠費慧珠

顧橫波夫人小影

上有龔芝麓兩詩前一章云腰妬楊枝髮妬雲斷翹
鶯語夜深聞秦樓應是春風誤不遣羅敷嫁使君後
一章云識盡飄零苦而今得有家燈煤知妾喜特著
並頭花玩前詩則圖作於未歸龔時後作乃既歸而
續題也

白門新柳翠籠煙乍起楊枝態尙眠委地春雲梳不得懷人心
事困人天

芝麓爲作白
門柳樂府

睂樓風月易黃昏一閃星眸剪水痕除卻石人心似石此中消
盡幾人翹

璫琰硯匣鏡臺安寫罷雙蛾露未乾他日小銀缸下事並頭先

兆畫中蘭

兩首新詩爲定情滄桑劫後嫁雪英稻香樓外盈盈月卻比秦淮一樣明

定山堂上怯春寒鬪埽妝慵髻百盤五萬春花齊頰首看伊加

上五花冠

人以冠飾讓之

重攜桃葉溯煙汀一角鍾山眼尙青多少南朝金粉事斷翬鶯

語夜深聽

順治丁酉冀寧輩之重游金陵改姓徐矣

畫蘭別有女相如錦樹林凋願竟虛占盡柔鄉香豔福江南只

有兩尙書

陳子準輓詩

名揆邑諸生博學嗜古著有六朝水道疏琴川志補注續志等書

人誰不讀書人能讀書少非抱兔園冊卽供蠹魚飽陳君淵默

人精心事稽討尤喜地輿學冥搜極八表街街久削迹閉門若

龍鳥與行萬里塗涉足徑先曉善長注桑經北人畧南考舊筆
繼昉澄疏睂覈南道人誰不讀書君真讀之了讀徧人閒書探
奇去瑤島

我年六十四君年四十六登堂必偃僂執禮甚恭肅及與論文
章如引繩正木尺寸不少假隱微悉研鞫匪徒資洽聞直諒今
所獨斯人忽化去索塗瞽失目仲廉馮旣木拱頊儒吳復艸宿
女成熟與商閤筆自翻覆逕思就孤檠燭棄手削牘淒淒抱青
琴尋子向幽谷

酌我東籬酒開我西閣門剪紙秋雲中冉冉招君覓疑義重剖
析微言申討論馮吳配其旁相與倒一尊君家稽瑞樓玉府羅
瑤琨自從神仙去零落芸香溫縹囊絡蛛絲書牀竄饑飈達人
委軀幹豈復栖長恩賢愚共朝露紹述期後昆何如數卷書心

血陷乾坤

伯生竹節硯銘

磨不鄰節自矢以待君子

夜泊石湖薄藕華而飲卽席戲某秀才

萬頃漣漪露氣澄紅船都是綠鬟凭香憑風互東西界碧與天
黏上下層四面有花三面酒一湖明月半湖燈調冰雪薄詩情
裏消盡中心熱未曾

飲鹿樵家桂花下醉後戲作

西風一夜香滿城洗我覓癡如秋清曉起披衣覓香去西鄰屋
頭黃雪明與君祇隔一墻住君家花香我墻度鄉鄰自昔通有
無我屋無花借君樹乞醯求水須挈瓶扣門告主煩奴屋主人
不知奴不覺風姨暗遞香無形我苦貪癡意不足有若得隴還

望蜀思向牆頭折一枝分取太倉金一粟長鬚奴子折簡來邀
我往酌花下酩酊意在得花轉得酒不辭引滿黃金壘功名富貴
我何有焉用黃金印懸肘人生得意豈在多但願有花兼有酒
君家花繁酒復多逢時酌我金叵羅賓朋屢易花屢換衰顏常
向君前酤我思一尊轉君屈卻恨家貧無長物借君酒杯還酌
君只當借花來獻佛

題黃蘗圃所藏宋刊唐女郎魚元機詩後

臨安府棚北陸親坊南陳

宅書籍舖印行本計一弓共十二葉舊爲項墨林所藏本今歸百宋一廬弓首有余學士集白描小影

易石鐫木隋開皇揚其波者馮瀛王長興監本顯德繼入宋雕

槧尤精良佞宋主人富攜撫一墨百宋羅古香經史百家既畧

備詩山文海搜晉唐校譌規往義迴勝

陶淵明集十卷如桃等原記聞之欣然規往今

本譌作親

訂正半雨疑堪商

王右丞集十卷山中一半雨樹杪百重泉今本作一夜

李杜孟韓

長慶白東野瘦得兼文房唐

求羅隱

朱慶餘許

渾

悉甄綜書棚善

本臨安坊豔才尤異李億婦咸宜觀中慧女郎當年焚香禮金
闕雲情自鬱花長芳誰令明月墮幽隙黃泉紅淚銜溫璋千秋
玩諷得知已一十二紙逾琳瑯龍瞑好手老學士追撫仙影瑤
壇妝手加校勘徧題詠勝如墨林徒弄藏人間此亦無價珎有
心求得薨翁黃

去年芙蓉莊紅豆花求一實不得黃薨圃得之郡城

寺惠然以八顆見寄報之以詩以志永好

一笑開函看珊瑚失豔姿閒徵左思賦高唱右丞辭情比投桃
重緣偏得寶遲與君盟永好把玩輒相思

去歲胎仙樹花繁實鮮畱思百年上憶結一枝秋

紅豆詩序云九月賤

降時結子纔一顆

東澗賓筵散西園佛果修由來難得物不在有心求

思補圖爲秦板橋大令

爾馨賦

從來何事不可補女媧鍊石補天宇吳剛磨斧修月戶秦君學
易年先啓義師古平生事有關敢惜心力苦不見補衲僧惜寸
縷補鍋匠無漏卮亡羊每憶楚莊辛衮職恒懷仲山甫我進一
言君記取萬事綢繆未陰雨與其獺髓補朱顏何如避卻水精
如意舞

八月十四夜癡至一山題詩翠壁之上

花裏樓臺是我家邇來花下啖桃花曾前自吐如蘭氣卻被風
吹作絳霞

仙人自攜三尺琴行行不覺入雲深偶激清風發長嘯送將明
月到天心

鹿樵惠建蘭一缸

墻頭吹過妙香來早識西鄰玉鮪開甚欲扣門乘爛漫卻愁倒
屣轉徘徊芳馨忽荷臨風贈珍重還勞帶露栽相約此心同潔
白如君真不負南陔

祖龍引

一統埽卻諸侯封四海銷盡兵刃鋒智畧誰似秦皇雄五十萬
民戍五嶺七百儒生一坑盡智計誰似秦皇忍三皇五帝眼底
無一世思作萬世圖秦皇之智秦皇愚爾燔詩書滅人智劉項
偏生不識字爾防亡秦築長城胡亥卻自膝下生豐西澤中白
蛇鬪輜涼車中鮑魚臭能造阿房宮殿八百間不能遣神人鞭
出三神山虎視六合智無比何意一愚愚至此不見督亢圖喪
鑒子博浪椎逃力士祖龍不到沙邱臺那識世間人有死

秋思

滿徑斜陽自閉門
菊花開過癯無痕
西風掃地亂黃葉
中有零星秋蜨翼

簾卷秋河屋角橫
霜華涼逼一燈明
碧空如洗雀無語
艸際亂蟲三兩聲

故人墓下

回首寒雲亂石支
白楊蕭颯戰秋颼
青山縱有重來日
碧落應無再見期
一代鴻才名易盡
百年馬鬣事難知
他生真箇交期在
等過今生未是遲

題羅節母墓圖

登彼高峯兮覩冥冥之靈樓
若坊而若斧兮鬱翳翳之松楸
靈芝叢生而輪菌兮馴兎潛伏而優游
芻蕘顧而慨息兮懿節孝之林邱
彼節母兮冰蘖矢負土石兮斲十指葬姑及夫已壙時

子承厥志寔於是復營歸真母旁侍孝思誓無間生死母汪子羅少慕字爲此銘者舊史氏

喜晤故人

秋水如天碧渺漫一雙鷗語未盟寒白頭那更經年別青眼還同昔日看事久莫尋溫癭艸情深何藉駐顏丹今人翻覆秋雲手衆裏輕邀一顧難

小春日過梅園

白雲如水護疎林清磬遙傳一塢深太古松枝如佛臥小春梅萼是禪心秋從黃葉聲中去詩向青山淡處尋閒與殘僧說興廢滴來寒翠滿衣襟

寒窗課讀圖爲汪秀才作

人生至樂能有幾兒讀耶聽一燈裏此樂兒時不知樂但覺嚴

君苦束縛長成始喜讀父書當年課讀人區壚空將此樂淚墨
寫詔示世閒兒膝下

趙朗山明經玉讀書城北道院窗前巨竹數十竿得句

輒鐫其上曰吾以此代殺青越二十載其孤允懷復

寓於此尋竹上字本可得泫然流涕乃爲間竹圖以

寄永慕

修篁何嫵媚古院鎖深翠寒宵鬼唱詩幽咽弄商吹孤兒尋秋
來抱影耿不寐起追冷月蹤淚珠與鐙墜前竹與後竹瀟灑無
二致前人與後人慈孝本一意前人循竹題以待後人至後人
歷竹求不見前人字前竹前人心後竹後人淚心迹竹漸滅淚
迹竹常漬竹或有時伐竹淚成故事春泥衙斑斑人來看孝思
顧橫波夫人畫菜

一種秦淮舊日春冰綃渲出雪精神難將世外幽人味說與春
明肉食人

趙仲穆畫李岩老人弈我睡圖

兩人逍遙戲橘中一人冥漠遊槐宮子聲鼯聲互相應奕者自
紛眠者定四腳棋局穩且平一色黑子黯不明希夷老仙來對
局華胥國手無輸贏彼決勝者徒縱橫機心鬥奕如鬥兵一角
之勢兩虎爭一子誤下全局傾雌雄成敗瞬息耳斂子而起皆
空枰何苦鬱鬱勞心旌不如高臥忘其情君不見世事從來一
棋局世外神仙枕青玉劉興羸蹶只須臾未抵山中春睡足

猛將軍劒歌

吳門陸鐵簫得古劒上有猛如虎三字屬爲作歌

鐵簫示我三尺鐵寒光射人人凜冽云是將軍虎氣憑風雨牀

頭嘯聲徹將軍桓桓力無敵一劍橫將萬人擊髑髏如葉墮地
輕殺盡山西河北賊邢紅狼混世王愁竟猶泣百鍊剛五條龍
九條龍腥血滿繡霜芙蓉天心厭明亂未已狂寇蔓延張與李
一逐巴山虎於叛再戰黃陵虎子死賀人龍兵西譟行傳宗龍
兵巢覆傾賊兵黑壓南陽城一虎難與羣狼爭兵窮矢絕賸一
劍浴血滿身來巷戰力竭丹心哭向天臣死猶朝君北面叩頭
未畢刀過頭碧血灑空天地愁百年遺劍土花蝕三字孤忠蝕
不得攜來拔鞘當青天二十八星皆失色

劉夫人戰鞞歌

王仲瞿於偏頭民家得一弓足烏皮鞞上刺綠雲周
圍蟠以錦綵相傳周忠武夫人故物記憶爲之作歌
寶物不論敝與新古物不論僞與真但聞出自忠義人一絲珍

重逾千鈞寧武城亡天地變慟哭一城人巷戰將軍雖死夫人
存夫人忠義如將軍銀刀一隊飛紅裙騰身屋脊輕於雲手發
一矢斃一賊數十人無一虛鏑將軍身被數百矢矢殺賊人足
相抵賊縱火攻紅玉熬煉出紅顏一門烈我聞道州殲賊沈雲
英薊邱奪戶畢韜文彼探虎穴全其身忠勇尤護劉夫人惜不
早建夫人城一軍練成孃子兵手提白捍來支檣障賊北去難
橫行夫人一死賊心快兩鎮降書馬前拜列鎮盡如寧武難那
得飛渡居庸關烏摩一難忠義照日月與良玉袍皆罕物世人
但識香豔名徐月英鞦太真馘

讀張璪傳

一犬鳴時羣犬信敢違公論帝私親恭皇定號無元后濮議開
端有宋臣九廟風雷懲逆祀三奸星象示更新羅山老去鈴山

繼原是當年拾唾人

讀楊忠愍劾嚴嵩疏

苦將鐵石鍊忠肝一疏公然撼百鸞
受杖未須舛借膽觸邪何必爲冠難
防藍面如廬杞空剖丹心效比干爭
似遜翁瞽遜日自書諫州自燒殘

題姚廣孝像

目光三角相清臞飽記兵書百八珠
北郭詩人辭里社西山老佛遜江湖
股肱自命扶姬旦面目終慙見女嬃
日嬖兩朝麟閣兩緇徒

桃源圖

一灣一碧渺難收十二螺鬟百轉幽
溪水自流秦歲月桃花不屬晉春秋
松篁每聽雪中奏雞犬多從物外遊
澹到仙心無著

處紅霞來畫白鷗洲

遲蔣伯生不至卻寄

日聽河流吼朔風詩人坐老氣如虹莫言杜甫依嚴帥只是辛
疊慶謝公瓠子漫陳當世務梅花空發故園叢耦耕佳約何時
踐紅豆莊西拂水東

讀漢書董仲舒傳

仰觀青鴻濛隔絕人世迴人力果勝天天意詎能梗曷爲春秋
經如雨識星隕恒星與彗星隱見書必謹仲舒治公羊陰易務
推引援天證人事災異數陳請謂有失道微垂象示懲警改則
禍亂消否則咎罰準後來繼江都復有向與永推演洪範傳發
明皇極蘊維時人主心亦多懼災眚幾視天變星與已若響影
維時宰相臣職猶調燮領咎徵見天文罪引在臣等三公位雖

尊策免事俄頃甚且賜養牛審處令自省自從晉唐來上下遂
蒙隱罔知天道彰祇覺古意泯今天去人遠古天去人近腐儒
談春秋徒令人齒冷

記東鄉三老語

赴吳墅阻風白茆有邨舍三老一方沃鬴炊一捫齏
一面壁坐若重有憂者各道所苦大抵皆涉漕政爲
韻其語以詔後來

一曰一餐粥而已釜中見水不見米手種沿塘五畹田完邨官
糧贍糠粃今年歉收號成熟一畹纔能一石穀一石穀糴米六
斗粒粒如珠復如玉五畹額完一石糧我儘三石登倉塲是日
開倉第一日風者疾從者側量者實斛者溢搖之築之佐以踢
兩石猶難抵一石如珠如玉滿地鋪狼籍祇存三斗餘風從斛

手瑟償徧空手無錢易版串歸來抖擻賸空囊落得金花與紅

絹開倉日官以賞糧戶

彼捫蝨者色慙怒自憾完糧無號數

自三號以至五十號止三號加三升五十號加五斗

也三號五號爲縉紳十號八號大戶掄號數遞增至五十奇零

長短因乎人寡婦孤兒及愚賤不列號者照場面大斛淋尖又

其羨斛身敲擊四角鬆塞以柔木槿使空一斛可米六斗容周

圍滲漏尤璣瓏子乘開倉吉日往壘藁雖空猶得賞斛身日以

大場面日以寬人益踴躍勢益難一石直須三石完苟或爭持

如鵝蚌彌尾青旋加爾項

一人面壁吞聲哭爾曹得福不知福完卻官糧百慮消欲完不

完心更焦看米來樣盤置曰官親曰內使一盤未已一盤至曰

風曰筵逞其志風者雷鳴轉車轂前吐如珠後吐玉筵者雪霏

取粒麤手中如玉泥中珠日莫傳呼官覆看舉目畧瞻稱發換
黑夜崎嶇擔出倉狼藉倉場賸其半糧未納米已虧珠玉且作
賤好米何處來君不見場無穀益無粟剗肉補瘡苦無肉明日
硃籤又來捉

雷海青

銅頭鬼擊漁陽鼓梨園樂工淚如雨豬龍奮爪凝碧池催進新
聲佐胡舞雷海青樂器擲地聲震靈賊欲聽我奏樂聲不如忠
憤之哭聲好聽西向哭天子在西蜀西向死死猶面天子紛紛
朝臣受賊辱賴有伶人此一哭勝似秦庭漸離筑

安石工

停刀不肯下玩碑且逡巡此碑是旌賢何以稱黨人此碑是懲
奸曷爲列賢臣司馬相公名曰奸不知世上何人賢賢耶奸耶

千秋萬歲自有公論傳安民小民何知焉但求民名碑免鐫安石工心似石石上不畱名名畱在史冊

施小校

相公心偏向北朝何以正之抽我刀刺雖不中奸竈銷張良副車豫讓橋人欲擊敵爾不擊不殺敵者卽我敵我殺我敵憤始洩謂我心風我心赤君不見宮中七首鷗脅拭黃袍中藏白虹白當著相公拔不得

花雲婢

危城鐵騎圍千疊一女城頭墜如葉背有兒身無翅前荷塘後追騎跳身入荷花兒命共花守兒全花則靈花敗妾何有荷葉覆兒身荷葉掩兒口荷莖刺妾心荷莖刺妾手抱兒見天子天子大歡喜雲兒骨如雲雲婢骨非婢完破卵全趙孤彼程嬰乃

丈夫

梅子真

作吏南昌日陳書北闕年志原匡社稷道豈樂神仙斬馬空思
劍冥鴻別有天惟應逢子慶遠識共幾先

管幼安

生不逢堯舜吾將安所從無刀除漢賊有力拒秦封自託西山
算終潛北海蹤子魚魚服矣龍尾乃真龍

哥舒翰紀功碑

安西老將雄無敵十丈豐碑紀殊績行人下馬讀未終歎息功
名委沙礫少年手持半段槍聲如霹靂驚賊酋一槍一賊向空
擲蠻奴屠賊如屠羊威加青海白龍見目空萬里無遐荒黃河
九曲入版籍赤嶺千仞爲垣墻直漲洮水盡天塹邊人不敢窺

邊疆開元天子論封賞大書樂石辭鏗鏘如何功成耽酒色卻
認椒房好相識不妨髀肉長逡巡自謂干戈永休息漁場鹽鼓
天地驚二十萬衆潼關行將軍主守朝主戰戰非臣罪由朝廷
身雖負國實被逼一死猶足全其名奈何將軍乃惜死疆場不
死死賊營立身一敗萬事裂前功有若灰飛傾當時奇謀若濊
漑劫取佞臣當賊斬事誠快意終屬反不反罪猶應末減論人
持其平論罪原其情以死責翰無可理以降責翰非得已雖不
能學常山斷舌顏杲卿猶勝馬嵬還甲陳元禮

李鄴侯

方圓局早定文楸衣白來參御幄籌收復山河功范蠡調停宮
掖智畱侯能消烏喙猜嫌志難免蛾眉嫉妬謀何似一爐煨芋
熟逍遙南嶽碧峯頭

生來骨節自珊珊何肉周妻盡夙緣一枕君王同眷屬十年牢
相誤神仙衣傳黃老殊曹掾屣脫功名媿魯連不分異香空際
起翻除崔嵬著貂蟬

韓冬郎

大宮慟哭出都門學士衣裾帝淚痕朱札三通空州制繼郎四
入竟忘恩難憑氣力支殘局賸把心肝奉至尊零落香奩詩一
卷美人一一楚騷冤

蹉跎

九華深帳十香溫酒力全消燭半昏吃吃笑忘窗外耳惺惺啼
徹癡中黿仙人承露空餘淚神女行雲已沒痕贏得蹉跎雙鬢
雪當時輕易受君恩

探梅

明知消息只如煙何苦衝寒犯雪天
縞袂相逢拌耐守青琴獨往肯遷延
月窺蟾兔初生夜春訪蛾眉未嫁年
就使開時看更好卻愁見了轉淒然

鷓鴣哥

天生慧舌太聰明學取人言巧變更
究竟能言事何益風前鵲鵲已無聲

寫梅雜題

每到春風欲動時手研清淚寫相思
一枝未了如殘癭只有心頭自得知

橫枝清瘦若枯禪幾點疎花轉更妍
不分風情衰減日又添惆悵似當年

梅不著花寫以自遣

研冰和雪寫珠胎頃刻生香滿紙開癡絕欲從西舍問可曾香
過隔牆來

天真閣集卷二十九終

天眞閣集卷三十

詩三十

昭文 孫原湘 子瀟

柔兆閣茂

積陰

就使春光麗春心已自愁非關朝旭隱其奈凍雲浮陰氣偏侵
骨和風不轉頭美人何處寢直北是高樓

新春病起招諸生飲

扶出花前小病身東風相勸玉醪醇人耽逸趣官無貴客喜清
譚士必貧觥政亦須才跌宕食單何惜議逡巡公卿易致閒難
得甘負心期莫負春

閱史

新法紛更舊政苛敢緣撫字誤催科民閒禾黍鴻鰥徧海上帆

檣檣氣多裴相餘縉歸負庫鄧侯奇算託溟波六渠三堰何時
畢愁聽頻年瓠子歌

近傳冤獄上虞民東海還思赤地塵納女叔魚憑買直殺妻張
將竟通神靈邱暫聽辭高位大樹終看據要津獨有聖明能哲
惠詔書諄切在知人

鑿潭通漕費軍資詔算縉錢供廢支獨論青苗違祖法更防白
著斂民脂人言子夏終無術國有顏淵竟不知歸去莫爲窮鳥
賦銚錄風議媿南司

進疏從容學鄭公漫將緘默諷元忠十年紅旆油幢節一種輕
裘緩帶風論取勸財見知古事關失米累元同如何身後浮言
起卻把朋邪議了翁

自笑

閒居久謝輓紅塵一角明湖貨季真讀史勝談天下事看花如
對意中人延年偶喜吟中散子建難忘賦洛神自笑風情太無
謂煙霞堆裏癡 楓宸

探梅吟

花朝矣梅猶未放爲之感遇

朝探梅紅豆小算探梅紅豆老顛風簸雪二月天勒住南枝不
容早尋春不得還癡春翩然其來姑射神自言顛顛生不辰無
由發越花精神與其玉藥徒繁密何似瓊葩莫教茁空有懷才
抱璞心曾無得意調羹日花乎不遇誠可憐我爲花計轉快然
不見去年吐秀迎春前煥風一吹花若煙前年逞芳破臘天冰
雪疊至花先薦今年寒威襲含萼如女待字情貞堅陰易剝復
終有待會看珠樹春暄妍若使先開開易萎此時香雪隨流水

躁進何如晚遇佳遲暮何傷美人美花之神兮若有思屏芳息
兮潛幽姿覺春寒之可變亦奚慕乎乘時於是風淅淅雨絲絲
釀晨陰罨朝曦覺予癡於重衾還起省夫南枝亂曰春過半兮
梅未花巡朱檐兮感歲華珠潛淵兮益媚玉蘊石兮誰瑕寧韜
真於渭水兮毋自炫於長沙

春寒

二月階前艸不新畫簾濃罨霧如塵天憑煙雨妝成癡寒替江
山勒住春欲扣東君程萬里難遮西日馭雙輪寒梅幸是心如
鐵堅守含葩答大鈞

春分日招真治古梅樹下纔見數花

知是來猶早其如苦憶君二分天上月一片癡中雪緩覺味逾
耐靜疑香漸聞年年風乍煥惆悵雪紛紛

重過梅花下春已爛漫

滿枝蓓蕾抱堅貞苦怨東風不放晴到得盛開祈緩緩始知冰雪是深情

幾日新晴颺麝塵紅男綠女競探春生香肯惹閒襟袖不是尋常領畧人

漸覺梢頭弄晚寒夕陽閒與崔盤桓明知坐久無聊甚祇恐重來不忍看

莫春行樂至破山寺碧桃花下

翛然清影入煙蘿被體風融骨節和徑熟轉思歧路好山空偏覺聚春多諸天寂歷千花笑三月繁華一鳥過閒暇便來愁病遣人生那不戀巖阿

觀水嬉作

柳絲煙重不勝狂蕩得春情爾許長
照影水非前度綠消魂風似去年香
愁飛蜨外花千點淚滴鷗邊酒一觴
畫舫如雲歡笑裏幾人知道有斜陽

自題隱湖偕隱圖

偶然風語鏡臺前竟泛煙波一葉蓮
繞屋雲園高士寢開門詩滿白鷗天
梅花世界無凡想芥子園林有小仙
若使雙雙圖撇佩負他心事畫蒼年

西莊禪院

抱水禪林水樣清開軒西爽撲簾旌
山呈名畫無凡筆鳥弄殘詩有變聲
酒力助人情跌宕花香如佛語聰明
晚風吹我扇丹返翻把閒雲引入城

牡丹時泛舟東鄉諸墅

短櫂夷猶路不遐有鶯啼處有人家逢橋繫纜先沽酒隨處敲
門可看花白鷺掠波風一面綠蒲晴雨港三叉只須公著殘紅
去行盡清溪日未斜

送春詞

綠陰如水溼晴空無數閒愁蕩晚風手欲登臨一尊酒畫樓都
在夕陽中

落花惘惘柳依依拂了殘香又滿衣胡蝶不隨春共去因風還
向麥溝飛

明太常少卿完虛翁先生像贊

眈眈太常鸞臺清選如玉含溫如金在鍊有明神宗寬宏納諫
曷納陰懷言局一變虎豹當關南風交煽小東大東悉受排陷
公居其閒特止不眈開口生風吐舌如電調劑黨攻彈擊璫爛

言皆碩畫匪以直街十載拔垣承弼是念蜀維一空激隨雙遣
晉秩客卿颺輪方輾位不德酬年遽世厭遺像清高肅瞻邦彥
匪邦之私睚睚史傳

雜詠南史

謝晦

列艦連江旌旆揚此行須不是勤王少文轉惜殊周勃無術還
嫌過霍光屠弑蛟龍權太恣肅清狐鼠事非常負他嬌女啼紅
淚恨不橫尸古戰場

王敬則

風雲倉卒起南沙鼓角公然願不賒牆外擲將天子首宮中哭
出帝王家十年楊柳關情甚一夜榜蒲作計差畢竟平東平底
事懊儂琴曲似琵琶

朱買臣

一目乖龍起楚雲，翦除玉葉待將軍。
抽戈竟忍爲成濟，齎藥何辭殺子鄔。
建業漫言王氣盡，長江難與魏人分。
慈悲只庇黃羅漢，毛血紛紛灑雁羣。

王琳

紫氣南來結郢雲，別開行殿奉新君。
生擒鐵虎期朝食，死守金城障夕曛。
隻手力延梁一綫，斷頭恩感敵三軍。
武康兩代稱良史，獨漏孤忠百戰勲。

首夏虎邱山追憶舊遊

碧雲紅寺畫年年，身到圖中卻惘然。
得意名花皆癡幻，無情老樹自神仙。
峨眉屢換三霄月，虎氣全沉六代煙。
綠水橋邊看鬢影，白鷗相識似從前。

由西郭蕩舟至湖橋

殿橋西去盡垂楊儘受東風披拂長半雨半晴山變態一花一
艸水含香病軀每到尋詩健倦眼難辭入畫忙擬種玉梅三百
樹便須埋骨白雲鄉

小雲栖閣上看雨

縹渺虹梯架閣巍上方雷雨下斜暉天垂湖海青三面寺裏峯
巒碧四圍嘯樹風清呼雀返護潭雲溼待龍歸東林結習消除
未手捉松枝代麈揮

薰風中寫梅

能得衝寒幾日香那堪著筆費思量畫中不怕風吹落畢竟虛
空意味長

玉蟬泉在虞山西北秦坡澗之上從石竇中涓涓流出

所謂沆泉也穴前窰處約積水二斗許由此而瀉入
秦坡澗則滙衆流爲瀑布矣取泉者多就懸溜處承
之以器若越澗而陟汲諸窰則味廻勝然半炊許甫
盈一器人不耐也少年時與澄之弟就泉而茗戲以
小盃探手穴中挹取之色白如乳臭如蘭甘冽尤勝
窰處蓋旣透風日則香味殺矣道光六年五月同歲
生中州周松路珩令常熟周有茗癖暇日同過其處
挹而飲之以爲迴出中泠惠泉上屬予爲詩記之因
歎同一泉耳離穴愈遠則味愈變人之涉歷塵事而
欲葆其初質者可以思也若夫玉蟬之名相傳穴有
玉蟬不知何人竊取去荒誕不足論云

靈原孕崇岡細沫出深竇石窰若盤盛石竅似盃覆旋渦雪初

融折落珠始走勢隨飛瀑奔聲與衆壑湊客來調水符爭汲懸
玉溜肥岳雖同岑醪醴已難燖如探靈穴求味乃勝醴酎中冷
及惠泉豈必出其右顯晦各有因不在靈與秀興到偶品題俗
傳遂汨謬未邀名流賞實以僻處漏奈何履真原不識真味透
氣浮甘淺嘗情急暱小就從來奉虛名皆病不深究心誠求其
真真選得蘭臭紛紛耳食人自掬鳴泉漱

吳氏牡丹花下婁東周秀才
巡斐然有作見贈次韻奉

答

懶把芙蓉玉闕行漫將瑤艸喚龍耕掉頭官職非高隱脫手詩
篇愧盛名對客有時還淺醉逢花無奈自深情明知俯仰成何
事只辦高歌答太平

故人早撰玉樓文香瓣因緣又識君
秀才爲顧容堂高足七子風流思往

日一花富貴悟浮雲拋除宦興因鱸膾愛惜春光與蜨羣歡賞
莫辭婪尾賤好同紅豔鬪朝醺

偶憶毓文風景因寄方

維翰饒耀南

崔寬

廷輝

四生

月午樓中一輪月三年伴我小蓬萊如今隨我南窗下時引羣
山入寢來

黃高峯與大洪峯繞閣圍屏紫翠濃每到白雲鋪海候隔重秋
水看芙蓉

饒經方史各縱橫卷籍丹黃照短檠驚起月明仙崔語萬松頂
上讀書聲

崔郎新學白雲詞日對東風有所思花外一鶯閒聽久滿身微
雨不曾知

洋山翠接白山長癡絕西齋呂茗香夜半尋詩出門去杜鵑花

赤月如霜

寒士交情霜後葉荒年米價雨餘潮

呂生句

吟成苦語孟東野淚

眼日看花柳驕

酬吳氏牡丹花下主人寄詩索和

如此名花定有神眼前富貴足忘貧金錢十萬傾中戶粉黛三千讓太真大塊文章誰主宰一時桃李盡臣鄰東風無數閒蝴蝶沾漑天香未許親

鹿樵邀觀牡丹用前韻戲簡

東皇殘局逞精神繡谷風光足餉貧富媼繁華窮地力貴妃濃豔出天真玉堂身到如傳舍金屋嬌藏有比鄰卻笑羣芳都避面楊花無賴獨相親

月下觀白蓮花

應是神妃洛浦過濛濛香影月相和輕清祇恐爲雲去嬌怯常
疑愛露多生就冰肌能卻暑洗空紅粉獨凌波人間難比傾城
色鬪取嬋娟只素娥

元人本鍾馗歲朝圖

足韉手版朝天罷翠帶寬除綠袍倒紅氍毹上玉山頽笑折一
枝香姬姪有妹閨中不早嫁髮如頽雲梳不暇卻令壓綫爲縫
裳幸不申申女襲鷩老馗平時啖鬼如啖炙天上鬼星都駭詫
胡爲忽作風雅妝路鬼相逢應不怕馗也掀髯笑而謝方今太
平魑魅化吳鉤三尺擲在旁餓嚼梅花香蘊藉

艸

閱世人如艸青青轉眼空百年能幾日一度又秋風後碧非前
碧新叢卽故叢如將涓滴水寄向海濤中

題劉後邨集

香瓣西山憶盛年
獨儻湯液苦熬煎
南園一記應同恨
八十詩人老更顛

同時梅堃太錚錚
至死心香一瓣擎
惟有三齋應把臂
葛仙嶺下聽秋聲

林希逸字庸齋
王柏字魯齋

張子和像贊

君之愛書如龍護珠
君之讀書如渴就嚙
味經屋鄉嬛居自爲
士歷大夫未嘗一日
荒經畬注兩晉之史
而有志未逮學六朝
之文而充然有餘年
未六十歸區墟吁

喜雨詞

朝望雨金烏麗空爍
下土莫望雨紫蜺連
蜺障天宇踏車四野
聲徹宵地澤欲竭人
心焦人心焦天心轉
雲車馳颺輪戰銀河

一夜傾九霄萬物回青萬人忤老農跣腳聽蛙鳴老婦額手誦
佛聲吏胥驕顏長官笑新糧舊賦將并征此雨若降一月前人
知地力不感天此雨更遲一月後天縱能施物不受感人以澤
貴應時用壯用需皆妄施瘡痍水火滿天下大人布德能安之

卮言

走馬狎章臺開門圍肉陣同此漁色心人嗤鄭合敬
漫刺冀分肥牙籌工布算同此封殖心人敬盧從愿

翁秀才

榮光

僑居震澤四世矣睠懷先德來遊虞山蔣

霞老爲作尋原圖

湖山符昔寢雲樹識今番流水若相引桃花時欲言艸香生遠
思泉味辨真原不忍挂帆去先人之故園

辟纁吟

鹿阿樓氏婦夫死子幼逋負累累婦績麻自給且償
負辛勤十年至眚一目嘗自悼云破壁篝燈一點明
千絲萬緒理難清傷心績到三更後窗外風聲又雨
聲爲作辟纊吟

朝辟纊血縷濡妾無夫夫有孤寡辟纊心縷枯妾無夫夫有逋
一絲一寸千心力半給債家半兒食四壁破孤燈熒十指瘥一
目盲明朝無食向誰告風雨空庭怪鴟叫良人地下自得知秋
墳鬼唱樓家詩

贈雲間馬生卽題其覆雪圖

生工寫生

疏瀹氷竈煉玉真松風吹熟一爐春梨花世界梅花味瞞過銷
金帳裏人

閉門僵臥聽春濤一棧湘雲一葉騷四壁萬花低不語人間還

有九方臬

秋夕

雲化魚鱗解夕陰
晶簾高卷絳河沉
月臨海宇都成水
花落淮南盡散金
露氣江山洗兵象
蟲聲天地訴秋心
閒居無補人間事
愁聽商飈動遠砧

今昔辭

乾隆庚子甲辰

翠華兩幸江浙海內侈侈隆富

聲伎畢集於京師有宜慶部蜀伶陳銀者色藝冠諸
部楚伶王桂繼至入萃慶部聲價遂與陳埒兩伶旣
巧於自炫又故傾襟名流以顛倒公卿一時朝貴恒
遭白眼纏頭之贈千金蔑如也偶於友人席閒遇浙
伶喜慶者神致絕似二伶人都以常伶目之生不遇

時顯晦殊異使余不識二伶亦如雲過眼耳人之遇
不遇豈不以其時哉爲賦詩九章不能無盛衰之感

矣

吹過閒雲累太空春明盛事憶乾隆錦江春色湘江醪醉殺毘

陵莊伯鴻

武進莊達吉挾萬金應京兆試兩月而罄

賦出湘雲絕妙詞金題玉軸付裝池方干下第牢騷甚不拜名

卿拜老師

施萬塘侍御學濂傾心於桂字之曰湘雲大興方維翰亦字萬塘作湘雲賦桂裝潢錦軸懸之臥室方感

其意踵門執弟子禮

倒意傾情兩萬塘卻輸秋室最清狂教他膝上鉤蘭葉贏得梨

雲滿抱香

桂學畫蘭於余秋室太史集姐楚有致都人士爭購之

三日扃扉刻寫圖閒情爭笑閱貞愚漢陂一碧深千尺化盡高

人傲骨無

閱貞楚中高士也工山水人物尤工寫真有某制府以千金求畫不應幾中以法人呼閱騷子獨爲銀作

漢碧圖三日始

畢漢碧銀字

雍客車騎返西川猶有消蠹王仲先博得海棠輪一笑輕裘如

雪脫花前

銀既還蜀裴馬翩翩居然富人矣王秋汀觀察啓焜彌之演一劇贈五百金副以珍裘

斷紅雙臉暈朝霞寂寞登場舞態斜稱我悲秋寒宋玉獨舒青

眼看桃花

雲髻梳成臉暈潮東風吹煥雪初消天生一種消蠹色不是周

郎是小喬

平生不解鬱輪袍空託微波接漢皋鈎取崇蘭清影瘦勝研殘

淚畫離騷

小字分明鵲報音萬年枝上露華深蓬山綵筆無聊甚戲寫紅

箋仿鬱林

畫梅

桃李紛紛鬥豔新
孤山閒煞一枝春
出門盡是看花客
眞賞寒香有幾人

臺警

爭桑釁起兩比鄰
海外烽煙震十閩
豈謂復仇無國法
漫將和難屬
調人三軍釋甲看
蠻觸一雀乘軒號
虎臣誰使燎原撲
滅卻煩

睿算下

楓宸

兩山雄峙虎門高
六月樓船下雪濤
一范久應寒賊膽
孤城直擬搗紅毛
憑陵縱恃狐邱險
搜捕難容蟻穴逃
猶恐崑岡連玉石

詔書勤卹

聖衷勞

西師

萬里新疆入版圖連城諸將擁貔貆難禁羊馬滋游牧未料豺
狼敢負隅九姓屯營環雪嶺八溝烽火徹星衢安西都護防邊
策隔歲宵衣厯

廟謨

羽檄星馳調六軍旌旗千里蔽燕雲盡煩塞北貂貅士遠伐邊
西鳥獸羣神策銍鬬懷巨濟興元七箸憶崇文諸君飽食承
平久努力戎行掃寇氛

邊鎮尊嚴頗牧同

九重節鉞授元戎聲援況有楊無敵威信應如郭令公已失明
駝收振武漫輕回鶻拜河東一軍中外長城倚疾掃瘡痍慰

聖躬

敦煌沙磧巨烽煙宿將屯兵疏勒泉大眼英名馳北清美髯雄
烈震西川征苗績久威三楚定遠功應拓九邊珍重越公風骨
在長繩早晚縛于闐

冰山山下鼓鼙聲矢盡援窮力戰爭袒裼惠元終不辱疾馳來
濟久忘生招魂禮尙加三襁恤後恩還教五兵士卒西征應莫
怨國殤猶得被

殊榮

故人持節單

讀去

于臺城倚南山玉帳開豈謂八瓠文學士卻爲

萬里禦邊才塔班秋氣連天雪戈壁軍聲動地雷西望白雲如

兎舞幾時清掃拂雲堆

此章爲和仙圃同年桂作時爲烏什領隊大臣

熱依木庫車阿奇木伯克鄂對之阿葛插也乾隆二十

三年霍集占之亂諷其夫鄂對迎 大兵按誠身爲
霍集占所囚屢欲納之不從乘間越城潛遁 天兵
旣誅霍逆以鄂對爲葉爾羌阿奇木伯克熱依木隨
其子鄂斯滿居庫車烏什叛亂羣回洶洶熱依木慮
鄂對暗懦五日夜馳三千餘里至葉爾羌鄂對果爲
伯克阿渾等迫脅罔知所措熱依木至集衆飲酒議
事忽開門露刃叱盡縛反者衆惶懼乞命乃曉以大
義勸衆盡醉而陰遣心腹收其器械馬匹衆始定葉
爾羌雄長回部於是聞風者悉解散矣事見西域聞
見錄著之詠歌願當世有聞其風而慕之者

龜茲好女顏如玉綠玉回城作金屋生就堅貞玉性情勸郎世
食 天朝祿倚蘭小醜肆披猖戈壁鞏湖作戰場兒女粉身糜

嶺上宗親碧血染山岡隻軀苦被重城繫風雲隔絕音難寄
壘惑空來振萬聲潔清自守投樓義幸得身輕一鳥飛度水達坂
山越重圍王師喜見鯨鯢戮佛洞欣看母子歸明年又起南
山叛雀唳風聲渭河畔煽動回疆四十城臂鵬惡少爭思亂此
時家國兩擔愁夫壻依違坐上頭夜扣軍門陳秘計朝馳沙驛
控驊騮桃花馬上芙蓉面路遠如天去如電篝火狐鳴正此時
美人天上來相見慙金帳設長筵褰轅門夜閉明月高妖童舞
女列相向簫簌吹起如秦簫酒半美人按劍起吾力猶能誅殺
爾敢背天朝豢養恩自取戮屠如犬豕曉目羣酋色灰死我
等何心至於此願納弓刀武庫中自安耕牧深巖裏春風一笑
霽顏回汝曹且盡瑀璆盃好收野外豺狼性永沐天邊雨露
培斂回螳臂空拳去大戟長槍盡收貯萬衆同心萬馬瘖奇功

勝似吹簾嫗回鶻由來貪且瞋世無李郭誰能馴只煩片語安
家國智出區區一婦人君不見高涼夫人捍東鄙繡幃油幢耀
青史天生忠義屬蛾眉又見西陲奇女子

賞菊吳墅

一徑寒香爛若霞燒燈重與醺芳華十年舊雨思前癡謂項雨
鬢新霜對此花老去銜杯猶跌宕醉來簪帽任欹斜明朝料理
吟秋屐尋徧前邨處士家

題郎蘇門侍御

保辰

畫蟹菊余不識蘇門覩其畫理蕭

散令人陡憶船山當年也

畫出漁邨十月天霜螯肥碩鞠清妍京朝官有江湖癭如此風
情憶老船

雲間馮少詹秀才

承輝

王鐵夫高弟也四十不得志隱

於畫以自娛所居徧植梅花自署梅花畫隱屬予作歌

白雲圍繞梅花居花中有客如梅臞梅花以外百不理閉門便是孤山孤人言風格追林逋平生不爲封禪書有手但作高士畫大癡癡筆倪迂迂花時玉壺買春好醉墨淋漓對花掃花如含笑來待旁拂拂寒香筆端繞生不期百花頭上開亦不願身作和羹材調脂弄粉香雪裏勝如圖畫麟閣兼雲臺人來索畫不肯畫畫成自向梅窩挂天然格韻似梅花只換梅花金不賣沈澀水與雪驅使煙與雲胸中曰養梅花春九峯三泖煙波際又見梅花禽道人

今昔贅辭

周郎壽慶前詩所謂神似二伶者也娟好如女子而

性特傲風雪，縵袍了無忤色。有以一狐裘之贈，呼之
有觴者，堅拒不應，可以風矣。

萬喚千呼不出來，輕雲作態竟飛回。饒他纏臂雙條脫，不換當

筵酒一杯。

嘗於伯淵兄席間見有脫雙纏臂贈王湘雲者，以鄙視之，直不屑耳。

由竇尙書屈膝公舉朝桃李拜春風，誰知傾彊寒梅骨，卻在飄
零若輩中。

通國烏程酒，一觴未妨獨醒。是清狂霜天月地空明裏，鍊得秋
花葉盡香。

鳳城絲管門紛紛，日下風流豔舊聞。我避崔書卿避酒，碧天癡
絕兩閒雲。

錢舜舉畫陶學士琵琶曲卷

水迹雲心事渺然，被人偷寫好因緣。易逃鴛枕綢繆印，難問鸞

膠續斷絃胡婦燕脂持節日黎渦眉黛使金年閒情偶觸商聲
動豈獨消魂是樂天

附錄

探花使者埽花仙輸意郵亭一夜眠消盡北來名士氣春風
只在四條絃

彈出相思調最工檀槽絃索太玲瓏鴛衾燭影搖紅夜何似
銷金煖帳中

戲詠翁仲

衣冠九尺丈夫身自負巍然一大人血淚難回心鐵石紙灰偏
識氣金銀松楸翳目如長夜桃李盈前負好春除卻同羣羊與
馬弟兄相對不相親

子夜歌

和風一吹煦使儂心感悅嗅著桃花香疑是歡氣息
歡來偷折花是儂心所許除卻園中丁莫被人分取
明知歡折去香氣占儂先狡鬟達歡意婉轉勸儂憐
西舍蟾輝傾東房蘭燭滅儂家無吠厖歡今放膽折

三國志樂府

縛虎急

晏安血染千里艸將軍扶漢功再造營門一矢息兩兵將軍爲
劉心蹟明養虎不得食縛虎何太急白門樓下虎命畢赤兔銜
悲仰天泣如何大耳兒忘卻射戟時虎能噬賊豈不知賊欲縱
虎反沮之雷虎殺瞞如殺卓漢鼎猶應不遷洛

拒尊號

一神人在燕分兩紅日摩代郡樂浪守來勸進大司馬堅不聽

紹述瓚度何紛爭一柱獨扶炎祚傾惜哉遽罹白馬寇風雨當天不相救坐譚客惟風流江夏郎徒處優琦琮璋瑁皆凡儔若持忠義繩諸劉豫州那得如幽州

報董讐

元惡旣梟羣鼠窟倡議復讐誰兆亂鄒塢死灰寒復飛妖雲晦擁紅輪西長安城空烏攫肉關中千里鬼晝哭烏虜地軸折天柱傾一言致死百萬之生靈猶稱奇計如良平

納濟妻

軍中忽有桑中喜解甲降人伏甲起黃金欲買車兒心一馬中傷二雛死將軍雙戟八十斤手挾兩賊死賊軍戰士先亡尹襲老竊妻空學申巫臣奸雄好色如好兵豈獨銅爵分香情不見下邳囊奪奉先婦蛾眉苦與鬪翁爭

女博士

秋塘露冷啼芙蓉麗人毀妝不毀容長者傾心少者妬賓客旁
窺阿翁怒長秋移寵女中王猶嫌之婦塞以糠粃麻既賤菅蒯
棄憂讒畏譏詩豫防鏤金作帶明珠釧妝成日事琉璃硯守禮
堅辭騎戲觀卻被紅巾來拭面與其芳蘭摧折魏宮中何如拒
霜花自戕秋風

白馬河

妖馬鳴白馬浦誰其乘曰朱虎淮南將軍太莽鹵便欲助彪來
尋馬叶天意食槽三馬同馬鬣槽朽誰能攻征南橫尸水艸中
征東血染臨淮紅不見神祠空呼賈梁道厲鬼何曾殺子充

青頭雞

一馬如彪一馬虎臺中三狗縛如鼠僂人高唱青頭雞官家雌

伏不敢啼可憐玉雞祥橫遭叱雞謗二虎銜雷勢已成一龍失
水將安仗悽惶復悽惶勿怨反顧狼阿翁手弑兩龍子子魚逼
宮亦如此

黃素詔

東海一龍得雲雨才同陳思武太祖奈何妄學魯昭公雲龍門
前逢逆充龍袍染血刃出背龍鱗上天雷雨晦助惡賈元惡馬
但磔一鼠謝天下攀髯惟有王尙書沈耶業耶奚足誅

樓桑邨

長桑如蓋五丈餘大耳小兒乘蓋車蛟龍一朝得雲雨祥桑王
業開成都臥龍先生佐帝治桑田手種八百株炎興君臣被蠶
食中原二士揮斤鋤三分之國祇一瞬營途高高亦歸晉百年
誰見苞桑盛

借荊州

東風火燒阿瞞走荊州天落豫州手劉家尺土應歸劉底事吳人爲已有得荊州實有藉據荊州實非借求領荊州牧誠如紇據防屢索荊州還豈曰歸汝場白衣搖舫夜輕襲紫髯得之美髯失乘人不備非仁師阿蒙阿蒙死已遲

孟達書

親非骨肉稱父子義非君臣佩金紫不爲小白重耳奔郤效申生衛伋死或言禍在不救羽或言失制申義舉是皆未識封也謀封豈不知別族爲羅侯備也億禪也愚千秋神器應歸子焉用區區孟達書惟有武侯爐之熟急勸楚王殺子木

面受履

天宮一月姮娥閉酒人醉向青天罨羅綺身遭五百鞭芙蓉面

受非刑地撫楫從棠姜和服戲夏姬宮中事祕誠可疑以疑棄
婦被國刑誰當國者刑不平是年二月亮出征八月亮卒渭水
營國無人兮刑罰失不見李嚴致死廖立泣

癭生角

五丈原西將星落前鋒頭長麒麟角軍中水火不相能火烈難
羸水柔弱延如叛國趨中原如何北施翻南轅反形未著反名
著頭受足踏千秋冤癭牛角兆三公癭生角兆至凶孰者矜高
孰威重吉凶在人不在癭彼殺人者狷狹腸家人一卦詫不祥
舉軍悔不從文長

膽如斗

瓊裏將軍自天降全蜀江山拱手讓雄兒身降心不降竟欲全
坑北來將白帽者萬白梃千鷄鳴一鼓成非煙不死國亡死兵

害死不得所非憤憤縣竹敗成都潰腹有艾背有會不能回軍
救其內僥倖奇功出理外功成不成志則在不見一膽渾身如
斗大

蘭生門

春秋識當塗高漢官名言屬曹一羣蜀吠聲囂囂流傳謬種巴
西譙禪訓授備訓具悖逆公然大書柱發端實由瓊與羣芳蘭
一例鉏當門惜哉不逢潞涿君

從周策

北兵來南奔計南中七郡如帶礪左憑安南鎮夜郎右倚巴東
守白帝士卒一呼作其氣我師負險彼失利旣不效田單奮勇
燒燕兵又不效包胥忠憤號秦庭卻陳微子銜璧狀遽作鄭伯
牽羊迎北地王死社稷蜀中士怒斫石與其斫石戈自投何不

竟斬譙周頭

傳國璽

將軍忠義包一身口數三罪誅賊臣穰苴惜不戮莊賈養就貪
狼亂天下場人城東慕柱石鐵騎千重圍赤幘不殪元凶目不
瞑誰似將軍赤心赤異心乃有紹與述名爲義兵實據竊四海
誰爲輔漢人一生自盡勤王節甄官井中傳國璽身若懷之擬
天子忠義如公那有此

二喬婿

世間美事不可得兩英雄配兩國色江東照耀起風雲鳳凰文
彩鷹揚力一封書討袁術一炬火燒孟德瑜如信策如籍若非
秋風玉樹折誓掃中原終殺賊天心不欲漢祚延非關傾城損
少年射虎兒雖勝豚犬比似獬兒亦已遠

闔昌門

討虜將軍作天子天下三分自此始東誇遼海入共球西割函
關備邊鄙今年黃龍見明年赤烏集符瑞紛紛侈盛德黃金印
鑄羅賜王蒼龍門外開金堂妖鬟二八雲霞妝神人暗語虛無
鄉君不見郡城門樓妖妄子鬼錄既登勿費紙傾城方拜仙人
鏤仙人頭已懸街市

三公鉏

鼠矢能燭黃門奸不能禁蛾眉漏洩機事先牛酒能謀凶焰敢
不能禁青蠅拒遏賢臣入太平永安皆庸才熒惑下地彭祖來
歷陽三郎石印開美人邱隴苑中起民間喧傳天子死龍牀者
誰何氏子烏虜三公鉏司馬如涕泣乃與何植書

徐夫人

石心鐵膽顏如玉嫣然一笑夫讐復蘇橋親調羹几筵啼痕拭
罷旋除服薰我蘇合香埽我合歡牀開窗理雲鬢對鏡施華妝
府君竊窺視志得疑慮忘左右竊窺視悽惻難忖量府君盛意
入含笑相迎將斂衽拜未畢讐人血濺丹霞裳弛我丹霞裳還
我續與經手奉讐人頭祭夫一慟絕令女之節趙娥智史傳朦
朧軼其事

成子閣

伏食嘲文偉行酒折子布援筆續之驢據案作磨賦才氣幹畧
誠過人一塵欲埽中原塵山民四郡隸虎翼魏軍七萬沈魚鱗
今年築東興明年圍新城民勞卒怨功不成白虹已繞車輪行
犬銜衣幾鉤落烏鳶攫肉成子閣赫赫功名思衛霍何不十思
思付託

三術數

歲在戊必破祖日當午必獲羽勝算能操不差黍計飛蝗射隱
伏肉三斤酒一斛借箸前籌不須卜渡江來者三異人豫知東
南王氣真聊避禍亂全其身亥子之間大喜慶占驗實過竈與
慎何曾覓得封侯印

縛軍師

船中死人忽起立北斗天兵縛人急平生肯負諸葛公涕泣仰
天吾死日若從瑩謀蓄衆力我居虎穴彼深入若從覲謀殺降
卒我壯軍心彼折翼是終勝敗不可必何如一死殉社稷江東
覆水不可收丞相碧血凝江流亦足稍掩烏程羞陳壽徒知索
米絹與蜀劉謐同漏傳

殘年

就使無風雪羣情怨已深天應忘白日地不湧黃金豐歉非關
歲澆淳在此心感時煩慨息豈獨爲蒼黔

題陸遠湖秋山便面

遠湖名

愚卿

太倉人與余爲中表兄弟工畫此扇作

於乙酉秋樹石堅樸有清蒼渾厚之致畫成未及款
識而歿詰嗣子陶屬爲題識爲之惋歎云爾

司農渾厚奉常清繪得秋山雨後情空翠欲飛嵐尙溼卻無一
點白雲行

天眞閣集卷三十終